

# Muossavia/regulativ per dis da mortori e sepultura

## Cuntegn:

1.	Informar en cass d'in mortori a casa (ni en vischnaunca) .....	2
2.	Vestgir .....	2
3.	Vischi .....	2
4.	Annunzia da morts .....	3
5.	Transport naven da casa ni naven dil spital en caplutta .....	3
6.	Stiva da bara (caplutta).....	3
7.	Sepultura .....	4
8.	Santeri .....	4
9.	Trentavel .....	4
10.	Messa fundada .....	5
11.	Defuncts senza sedia en vischnaunca / contribuziun da cuosts .....	5
12.	Cass special.....	5
	Oraziun dils tierparents sper la bara .....	6

## 1. Informar en cass d'in mortori a casa (ni en vischnaunca).

- Clamar il miedi da casa per schar constatar la mort.
- Telefonar al plevon (vegn bugen immediat sperasvi per celebrar ina cuorta liturgia da cumiau (aschilunsch sco quei vegn giavischau).

### ***en tuts cass da mortori:***

- Orientar ils tierparents  
(igl ei d'avantatg da semtgar gia ordavon ina gliesta d'adresses e numeras da telefon).
- Orientar igl uffeci parochial (081 941 17 18)
  - fixar il termin da sepultura
  - fixar fuorma da sepultura (vischi ni urna),
  - organiar il tuccar da miert
- Orientar la canzlia communal a Breil (081 920 10 30).

## 2. Vestgir

Procurar il vestgir il/la defunctA: entras ils da casa, vischinAs ni entras il survetsch da sepultura.

## 3. Vischi

Crusch e vischi dil/dalla defunctA vegnan pustai entras il survetsch da sepultura.

- Abas Bestattungen AG, Sefi Decurtins, Cuera - 081 925 36 36
- Nazi Furger, Mustér - 081 936 44 44

#### 4. Annunzia da morts

Per che l'annunzia cumpari ad uras fa quei prescha!

Per annunzias ella Quotidiana ni ulteriuras gasettas grischunas ei da sevolver tier Somedia Promotion, Städtlistrasse 12, 7130 Glion

Telefon: 081 920 07 17 / Fax: 081 920 07 15

E-Mail: [todesanzeigen@somedia.ch](mailto:todesanzeigen@somedia.ch)

Online: [www.abschied-nehmen.ch](http://www.abschied-nehmen.ch)

Sin giavisch segida la Somedia Promotion tier la formulaziun e translaziun dil text.

Impurtontas indicaziuns ein:

- il di
- las uras
- liug da sepultura
- ils nums dalla parentella

#### 5. Transport naven da casa ni naven dil spital en caplutta

- Coordinar il termin cun il survetsch da sepultura e cun igl uffeci parochial.
- La bara vegn retschevida avon baselgia (per ordinari entras il plevon).
- Procurar per persunas che gidan a portar la bara.

#### 6. Stiva da bara (caplutta)

Arisguard la stiva (caplutta) da bara vala il suandont:

Il local stat a disposiziun per tuts e tuttas defunctAs dalla vischnaunca (da tuttas confessiuns e religiuns). Per il diever dalla stiva da bara entras ulteriuras persunas vegn ei quintau frs 100.00 per di. (tenor il Reglament per il diever dils stabiliments dall pleiv)

- La pleiv metta a disposiziun: parlet d'aua benedida, candeilas ed ina scaffetta per condolientschas.
- Igl uffeci parochial sto vegnir orientada cu ins vegn cun la bara.
- La famiglia en malencurada survegn ina clav per arver e serrar il local.

## 7. Sepultura

- La liturgia da sepultura vegn preparada ensemen cun il plevon che sesprova ton sco pusseivel da risguardar ils giavischs dalla famiglia en malencurada.
- Ils tierparents ein supplicai da far gia ordavon lur patratgs e notizias pil cuors dalla veta (impurtonts datums, eveniments specials, professiun e lavur, famiglia, duns specials, particularitads persunalas e.a.v.).
- Sclarir giu, tgi che prelegia il cuors dalla veta en baselgia (plevon ni enzatgi dalla famiglia, ni...?)
- Organisar ils 4 porta-bara (per l'urna ina persuna) pil di da sepultura, sco era il purtar flurs e tschupials. Ils porta-bara ein supplicai da sevestgir a moda adeguata!
- Giavischs per comunicaziuns alla fin dil survetsch divin, p.ex. tgi ch'ei envidau al past da bara e nua.

## 8. Santeri

Il cavar e cuvierer fossa ei caussa dalla vischnaunca, ch'ei era responsabla pigl uorden (e lubientschas) da santeri. La vischnaunca metta era a disposiziun igl indrez da sfunsar la bara.

## 9. Trentavel

Il termin pil trentavel (ca. in meins suenter la sepultura) vegn fixaus ensemen cul plevon e publicaus el Fegl Ufficial dalla Surselva.

## 10. Messa fundada

Sch'ins vul schar far ina messa fundada eis ei da prender si contact cun igl uffeci parochial. Ina tala messa vala per regla 25 onns e cuosta frs 500.00.

## 11. Defuncts senza sedia en vischnaunca / contribuziun da cuosts

Per sepulturas da defuncts che han buca la sedia en vischnaunca e che vegnan setrai (incl. il survetsch divin da bara) en nos santeris vegn incassau ina contribuziun da frs 500.00.

## 12. Cass special

Per la sepultura da personas ch'ein extradadas dalla Basalgia ei sulettamein la vischnaunca responsabla. Tgi che extrescha dalla Basalgia desista numnadamein era d'ina celebrazion liturgica a caschun da sia sepultura.

## 13. Entrada en vigur

Quest regulativ ei ius en vigur cun decisiun a caschun dalla seduta da suprastonza dils 28-02-2017.

Per la pleiv catolica-romana Breil/Brigels

7165 Breil, 10.04.2019



---

Sep Cathomas  
president



---

Marcellino Flury  
actuar

Oraziun dils tierparents sper la bara

Car / cara N... Il Segner benedeschi tei e spetgi sin tei alla riva ed ella glisch dalla patria celestia, ussa ch'igl aunghel dalla mort ha splantau vid tiu esch e clamau tei ord la tiara che ha tochen dacheu purtau e nutriu tei.

El levgeschi a ti ed a nus il prender cumiau e tarmetti ses aunghels encunter a ti, ch'els accumpognien tei sur la sava dalla mort e meinien tei viaden en el niev mund, nua ch'il sulegl va maina pli da rendiu. Dieus, tiu Scaffider, muossi a ti la nova patria e fetschi tei ventireivels (ventireivla) en siu parvis - en cuminonza beada cun quels ch'ei vivi avon tei cheu sin tiara. Quei concedi a ti il Diu dalla veta, il Bab ed il Fegl ed il Spert Sogn. Amen

Segner, po dai ad el (ella) il ruaus perpeten!

E la glisch perpetna sclareschi ad el (ella)!

Bab-nos, salidada ....